



BERITA UDARA

INTEGRITI | KEBERANIAN | KECEMERLANGAN | SETIAKAWAN | MENGUTAMAKAN PERKHIDMATAN

SIRI 10 | MAC 2015

www.airforce.gov.my



**PERDANA MENTERI TINJAU PESAWAT
A400M TUDM DI LIMA'15**

04

**PANGLIMA TENTERA UDARA
DIANUGERAHKAN DARJAH PANGLIMA
GAGAH ANGKATAN TENTERA (PGAT)**

07

**TIMBALAN PANGLIMA TENTERA UDARA
DIANUGERAHKAN DARJAH SRI SULTAN
AHMAD SHAH PAHANG (SSAP)**

08



www.airforce.gov.my

BERITA UDARA

MAC 2015

KELUARAN SIRI 10



BERITA UDARA adalah penerbitan rasmi TUDM, walau bagaimanapun setiap tulisan yang disiarkan tidak mencerminkan pandangan rasmi TUDM. Segala sumbangan dari pembaca bagi menceriakan penerbitan ini adalah sangat dialu-alukan. Pengarang berhak untuk membuat pengubahsuaian kepada artikel asal tanpa mengubah maksud asal tulisan.

Semua tulisan dan artikel sila alamatkan kepada:

Markas Tentera Udara
(Untuk Perhatian: Sekretariat D)
Kementerian Pertahanan
Jalan Padang Tembak
50634 KUALA LUMPUR

Tel : 03-20713826/03-20715130
Faks: 03-20714572
Email : prtudm@gmail.com

KANDUNGAN

FOKUS

04 - Perdana Menteri Tinjau Pesawat A400M TUDM DI LIMA'15.

ISTIADAT

05 - Perbarisan Persaraan Mej Jen Dato' Hj Mazlan Bin Abas TUDM.

05 - Perbarisan Serah Terima Jawatan Panglima Wilayah Udara 1.

06 - Perbarisan Tamat Latihan Perajurit Muda TUDM Siri 51/2014.

06 - Perbarisan Tamat Latihan Pegawai Kadet Graduan Perkhidmatan ATM Dan Pemakaian Pangkat.

ANUGERAH

07 - Panglima Tentera Udara Dianugerahkan Darjah Gagah Angkatan Tentera PGAT.

07 - Anugerah Kecemerlangan TUDM 2014.

08 - Timbalan Panglima Tentera Udara Dianugerahkan Darjah Sri Sultan Ahmad Shah Pahang (SSAP).

08 - Majlis Penganugerahan Darjah Kebesaran Bintang Dan Pingat Negeri Pahang 2015.

LAWATAN

09 - Menteri Pertahanan Tinjau Kesiagaan Operasi TUDM Di PU Labuan.

09 - Lawatan Commander Of The Turkish Air Force Ke Malaysia.

14 - Lawatan Kerja Panglima Operasi Udara Di Rejimen TUDM Jugra.

14 - Lawatan Pegawai Kadet UPNM Ke PU Kuantan.

BERITA

15 - Top Ten RMAF/RSF 2015 Eratkan Hubungan Dua Hala.

15 - Kejohanan Golf Piala Presiden 2015.

16 - PTU Melawat Pusat Operasi Banjir Di PU Kuantan.

16 - Temubual Bersama YAB Tun Dr Mahathir.

18 - Pesawat A400M Pertama TUDM Tiba Di Pangkalan Udara Subang.

19 - Mesyuarat Pemerintahan Panglima Tentera Udara Siri 1/15.

20 - Panglima Bantuan Udara Melawat MATRA 3.

20 - TPTU Terima Kunjungan Hormat Wakil Pakistan Air Force.

PERSONALITI AF-NG

17 - Sjn U (W) Norlia bte Ab Rahman.

BAKAT

21 - Pengerusi BAKAT udara Melawat Projek Rumah BAKAT TUDM.

21 - Seminar Keluarga Bahagia BAKAT Kolej Tentera Udara.

22 - Kelas Masakan Chef Nan Rahaman.

SUKAN

23 - PW U I Buda Ak Achah Cemerlang di Kejohanan Bina Badan Dunia 2014.

23 - Kejohanan Ragbi Antara Kelab-Kelab Kebangsaan.

24 - Majlis Pelancaran Pasukan Bola Sepak ATM.

24 - Pelumba TUDM Tunjuk Taring.

SIDANG REDAKSI

Penaung
Jen Dato' Sri Hj Roslan bin Saad TUDM

Ketua Editor
Kol Hanafiah bin Abdul Manaf TUDM

Penolong Ketua Editor
Lt Kol Baharudin bin Abu Hassan TUDM

Editor
Lt Kol Roslan bin Salam TUDM

Penolong Editor
Kapt Ahmad Iksan bin Abd Rahman TUDM
Lt Muhammad Irfan bin Abdullah TUDM

Grafik
Fauziah Ismail
LUK (W) Halimaton Sa'adiah bte Zainuddin

Jurufoto
Kpl U Sharizal bin Mustafa
Kpl U Sumardi bin Ismail
Kpl U Haznan bin Hazali
Kpl U (W) Norzana bte Ab Ghani
Kpl U Ezani bin Abu Bakar
LUK Mohd Nor Azam bin Shepun Rizim
LUK (W) Halimaton Sa'adiah bte Zainuddin
LUK Muhammad Fareez bin Ahmad Fuad
LUK Mohd Faizal Izwan bin Mohd Wazir
LUK Mohamad Safuan bin Azaman



TRANSFORMATION OF AIR POWER IN ASEAN PERSPECTIVE

LIMA'15 AIR CHIEFS CONFERENCE

BY

THE CHIEF OF AIR FORCE

بِسْمِ اللَّهِ الرَّحْمَنِ الرَّحِيمِ

اَلْحَمْدُ لِلّٰهِ رَبِّ الْعَالَمِيْنَ وَالصَّلَاةُ وَالسَّلَامُ عَلٰى سَيِّدِنَا مُحَمَّدٍ اَشْرَفِ الْاَنْبِيَاءِ وَالْمُرْسَلِيْنَ وَعَلٰى اٰلِهٖ وَصَحْبِهٖ اَجْمَعِيْنَ

Assalamualaikum Warahmatullahi Wabarakatuh Dan Salam Gemilang.

First and foremost I would like to extend my heartfelt appreciation to all delegates, guests and all present here for the Air Chiefs Conference 2015. On behalf of each and every member – the men and women of the Royal Malaysian Air Force, I am extremely honoured and grateful by your kind presence and contributions to this Conference. I am delighted to have personally met all of you and sincerely hoped that you have a pleasant stay here on this beautiful island of Langkawi. It gives me great pleasure to have participated in the ensuing discussion and discourse throughout this conference.

I wish to express my heartfelt gratitude and congratulations to the organizing committee in putting this conference together. My special appreciation and gratitude also goes to our distinguished Moderator and Panelists, Dr Sanu Kainikara, General Tan Sri Dato' Sri Rodzali bin Daud (retired), Dr Balakrishnan R.K Suppaiah, Air Chief Marshal Chappy Hakim and Mr Richard A Bitzinger, and not forgetting our distinguish Speakers from the leading Aviation Industry. It was a distinct privilege to have engaged them to impart and share their vast experiences, knowledge and wisdom – both on a personal and professional basis on the issues at hand. I have no doubt their impartial views and comments have benefited us greatly.

Ladies and gentlemen,

We know that the Air Forces are often summoned to assist and perform its duties, both conventional and non-conventional, during peacetime and conflict. We have witnessed the comparable progress in the employment of Air Power that has magnified the role of Air Forces which can be accredited to two main areas; namely, the unprecedented developments in Aerospace technology and the ever-changing security landscape globally.

Should the air force choose not to transform accordingly to meet these challenges, despite the sophistication, it may find itself ill prepared and rendered irrelevant. Therefore, I believe that it is vital that the Air Force is always prepared to address these changes in the security spheres of both the traditional and non-traditional threats. It may require us to rethink and relook at our doctrine and policy that is able to address the ever changing security landscape and environment. Though we will see an increase of responsibilities, I am convinced that this conference has in a way highlighted the evolution of security threats and the ever growing needs of Air Forces to both adept and adapts to these security challenges.

In today's context, the functions air power is not only limited to airspace dominance but also to render support to other non-military operations, i.e. Military Operations Other Than War (MOOTW), more so in nation building and Humanitarian Assistant and Disaster Relief (HADR). Hence, the Air force must be empowered to play a significant role promoting cooperation and diplomacy towards achieving sustainable security, peace and stability. Particularly in this region, this could not be possible without our strong relationship and cooperation within and among the ASEAN members and regional counterparts.

Ladies and Gentlemen,

Our strategic partnership and cooperation is essential to compliment the air power projection and subsequently guarantee continuous security, peace and stability in the region. I do agree with some of the observations and discussions that our efforts needs to be further harmonise to mitigate some of the security challenges. This could be done through sharing of information, dialogues, comparing best practices, bilateral and multilateral exercises, and conferences of this nature.

I am also of the view that ASEAN and its partners, air power advocates and defense community should meet and constructively engage with each other to seek possible solutions and devise strategies to mitigate some of the inherent and emerging security threats to ASEAN and the Asia-Pacific region. If I may recall, in recent years the Asia-Pacific region militaries have been called upon to provide assistance

during calamities and mass destruction due to natural disasters, to bring relief and rehabilitation to affected areas and communities. In such scenarios, rapid responses and first on site were critical and this is where Air Mobility capability has provided the much needed platform to deliver the logistics required.



Ladies and Gentlemen,

In pursuant to the growing requirement and high dependency of air operations in times of disaster, it is essential that transformation must be seen as key to our continuous existence. All importantly this must be supported with collaborative efforts and cooperation which are critical in order for us to operate and work together effectively. Thus, sharing of experiences, knowledge, training and education may be the most effective ways to accelerate capacity building and capability of Air Power development.

Ladies and Gentlemen,

I am sure most of us here share the same sentiment and feeling that there are enormous avenues and opportunities that we can explore and venture through existing channels to further strengthen our cooperation.

I believe this Air Chiefs Conference has provided us with the right platform to share a common desire in strengthening our philosophy about Air Power in today's context. I would like to reiterate the Minister's message in his opening address that this forum will be a good foundation for a better and more elaborate initiatives and strategies to address present and future Air Power sustainability and airspace management in the region more holistically.

Finally, I would like to take this opportunity to once again congratulate the organising committee for successfully organising this conference. On behalf of the Ministry of Defence and Royal Malaysian Air Force, I would like to thank in particular HW LIMA and all participants who have made this conference a success.

With the Kalimah Bismillahir Rahmanir Rahim, I hereby officially close the 13th Air Chiefs Conference themed "Transformation of AIR POWER in ASEAN Perspective" and look forward to the next conference scheduled in 2017. Insha Allah.

KITA ADALAH SATU – SENTIASA DIANGKASA RAYA

Sekian,

وبالله توفيق والهداية والسلام عليكم ورحمة الله وبركاته

**Jeneral Dato' Sri Roslan bin Saad TUDM
Chief Of Air Force**

PERDANA MENTERI TINJAU PESAWAT A400M TUDM DI LIMA'15

LANGKAWI – Perdana Menteri, YAB Dato' Sri Mohd Najib bin Hj Tun Abdul Razak telah meninjau dengan lebih dekat pesawat pertama A400M yang dimiliki oleh TUDM. Pesawat tersebut turut terlibat di dalam pameran statik pesawat di LIMA '15.

Perdana Menteri turut dibawa meninjau dengan lebih dekat sistem dan juga kecanggihan teknologi yang dilengkapkan bersama pesawat tersebut.

Panglima Tentera Udara, Jen Dato' Sri Roslan bin Saad TUDM telah memberi taklimat kepada Perdana Menteri mengenai kemampuan dan kelebihan pesawat yang baru memasuki inventori TUDM.

Turut serta semasa tinjauan tersebut adalah Menteri Pertahanan, Timbalan Menteri Pertahanan, Panglima Angkatan Tentera, Ketua Setiausaha Kementerian Pertahanan serta Pegawai-pegawai Kanan Tentera dan awam.



PERBARISAN PERSARAAN MEJ JEN DATO' HJ. MAZLAN BIN ABAS TUDM

KUALA LUMPUR - YBhg Mej Jen Dato' Hj Mazlan bin Abas TUDM yang akan bersara dari perkhidmatan telah diraikan dalam satu istiadat perbarisan yang berlangsung di Pangkalan Udara Butterworth.

Istiadat perbarisan tersebut telah melibatkan 11 orang pegawai dan 109 anggota lain-lain pangkat.

Turut hadir di Istiadat perbarisan tersebut adalah Timbalan Panglima Tentera Udara, YBhg Lt Jen Datuk Che Akmar bin Mohd Nor TUDM bersama Pegawai-pegawai Kanan TUDM, para pegawai dan anggota-anggota dari pelbagai ketukangan.



PERBARISAN SERAH TERIMA JAWATAN PANGLIMA WILAYAH UDARA 1

KUALA LUMPUR - Perbarisan sempena Serah Terima Jawatan Panglima Wilayah Udara 1, di antara Mej Jen Dato' Hj Azizool Arif bin Abdul Ghani TUDM dengan Mej Jen Dato' Marsaleh bin Hassim TUDM yang telah disaksikan oleh Panglima Operasi Udara YBhg Lt Jen Dato' Sri Hj Affendi bin Buang TUDM di padang Kawad Markas.

Mej Jen Dato' Hj Azizool Arif bin Abdul Ghani TUDM telah dilahirkan di Ipoh, Perak pada 29 Ogos 1955. Memasuki TUDM pada 09 Jun 1973, dalam tempoh itu beliau telah memegang berbagai jawatan dalam TUDM ini, jawatan terakhir adalah sebagai Panglima Wilayah Udara 1.

Dalam ucapannya YBhg Mej Jen Dato' Hj Azizool Arif bin Abdul Ghani TUDM telah mengucapkan ribuan terima kasih kepada semua warga Markas Wilayah Udara 1 yang telah bersama-sama beliau dalam menerajui markas ini ditahap yang terbaik.



IPOH - Satu Istiadat Perbarisan Tamat Latihan Perajurit Muda Tentera Udara Diraja Malaysia Siri 51/2014 telah diadakan pada 6 Dis 14 di Padang Kawad Institut Latihan Tentera Udara (ITU) Ipoh, Perak.

Perajurit Muda Siri 51/2014 telah memulakan latihan pada 1 Julai 2014 sehingga 6 Disember 2014. Kekuatan Perajurit Muda Siri 51/2014 adalah seramai 351 Perajurit Muda yang terdiri daripada pelatih lelaki. Kesemua pelatih telah berjaya menamatkan latihan asas Perajurit Muda selama 24 minggu dan mereka telah dibahagikan kepada empat flait iaitu Flait Alpha, Flait Bravo, Flait Charlie, dan Flait Delta.

Latihan Perajurit Muda yang mengambil masa selama 24 minggu telah dibahagikan kepada tiga fasa. Fasa pertama adalah penumpuan latihan asas ketenteraan. Fasa kedua pula menitikberatkan pelajaran serta akademik dan fasa ketiga adalah melibatkan latihan, ujian pratikal dan penekanan pembentukan sahsiah seorang ahli udara yang berkualiti dan berdisiplin.

Panglima Tentera Udara, YBhg Jeneral Dato' Sri Roslan bin Saad TUDM telah mengambil Tabik Hormat serta menyampaikan hadiah kepada Flait Terbaik, Perajurit Muda Terbaik Keseluruhan, Perajurit Muda Penembak Terbaik dan Perajurit Muda Akademik Terbaik.

Perajurit Muda Al Hafiz bin Hamid telah dinobatkan sebagai Perajurit Muda Terbaik Keseluruhan Siri 51/2014 dan menerima Piala Pusingan Panglima Tentera Udara. Sementara itu, Perajurit Muda Shaqil bin Samsudin telah dipilih sebagai Perajurit Muda Akademik Terbaik dan menerima Piala Pusingan Panglima Pendidikan Udara. Manakala Perajurit Muda Penembak Terbaik telah disandang oleh Perajurit Muda Mohamad Izudin bin Abu Bakar.

PERBARISAN TAMAT LATIHAN PERAJURIT MUDA TENTERA UDARA DIRAJA MALAYSIA (TUDM) SIRI 51/2014



PERBARISAN TAMAT LATIHAN PEGAWAI KADET GRADUAN PERKHIDMATAN ATM DAN PEMAKAIAN PANGKAT

PORT DICKSON – Seramai 19 Pegawai Kadet Graduan TUDM telah terlibat di dalam Perbarisan Tamat Latihan Pegawai Kadet Graduan ATM yang melibatkan ketiga-tiga perkhidmatan iaitu Pegawai Kadet Graduan TUDM, TDM dan TLDM di Markas Pemerintahan dan Doktrin Tentera Darat, Kem Segenting, Port Dickson pada 20 Jan 15 yang lalu.

Kesemua Pegawai Kadet Graduan TUDM ini telah ditauliahkan sebagai Lt Muda TUDM setelah berjaya menjalani latihan dalam Kursus Asas Pegawai Siri 24/14 selama sembilan bulan di Kolej Tentera Udara mulai 14 Apr 14.

Perbarisan dan pemakaian pangkat ini melibatkan 66 orang Pegawai Kadet Graduan ATM dan telah disempurnakan oleh Panglima Angkatan Tentera, YBhg Jen Tan Sri Dato' Sri (Dr.) Hj Zulkifeli bin Mohd Zin.

Penuntut Keseluruhan Terbaik Pegawai Kadet Graduan bagi TUDM telah disandang oleh Pegawai Kadet Mohd Firdaus bin Zaini.

Turut hadir bersama dalam menyaksikan perbarisan ini adalah Panglima Tentera Udara, YBhg Jen Dato' Sri Roslan bin Saad TUDM, Panglima-panglima perkhidmatan dan Pegawai-pegawai Kanan ATM.

Tahniah diucapkan kepada semua pegawai-pegawai Kadet Graduan TUDM yang telah berjaya menamatkan latihan tersebut.





PANGLIMA TENTERA UDARA DIANUGERAHKAN DARJAH PANGLIMA GAGAH ANGKATAN TENTERA (PGAT)

KUALA LUMPUR – Panglima Tentera Udara, YBhg Jen Dato' Sri Roslan bin Saad TUDM telah dianugerahkan Darjah Panglima Gagah Angkatan Tentera (PGAT) oleh Seri Paduka Baginda Yang di-Pertuan Agong Almu'tasimu Billahi Muhibbuddin Tuanku AlHaj Abdul Halim Mu'adzam



Shah Ibni Almarhum Sultan Badlishah dalam satu Istiadat Pengurniaan Darjah Kepahlawanan Angkatan Tentera (DKAT) yang diadakan di Istana Negara pada 4 Dis 14.

Penganugerahan ini adalah sejajar dengan jasa serta sumbangan yang dipamerkan oleh Panglima Tentera Udara di dalam mempertingkatkan imej serta kualiti perkhidmatan TUDM.

Tahniah diucapkan kepada Panglima Tentera Udara di atas penganugerahan pingat tersebut.

ANUGERAH KECEMERLANGAN TUDM 2014

KUALA LUMPUR - Sempena Acara Lawatan Tahunan Panglima Tentera Udara, YBhg Jeneral Dato' Sri Roslan bin Saad TUDM ke Pangkalan Udara Subang pada 17 Disember 2014, Tentera Udara Diraja Malaysia telah mengadakan Majlis Penyampaian Anugerah Kemerlangan TUDM kepada penerima-penerima dari kalangan pasukan serta individu di dalam perkhidmatan TUDM yang telah mempamerkan kecemerlangan dalam pelbagai bidang.

Di dalam majlis ini, Panglima Tentera Udara telah menyempurnakan penyampaian anugerah dan hadiah kepada *Airmen Of The Year*, *Squadron Of The Year* dan Rumah Keluarga Angkatan Tentera (RKAT) Lain-Lain Pangkat (LLP) Terbaik.

Airmen Of The Year pada tahun ini telah dinobatkan kepada PW U I Norzaima binti Mohd Noor bagi kategori Pegawai Waran Udara dan Kpl U Syed Amirul bin Syed Zainol Hamzan bagi kategori Koperal Udara kebawah. Sementara itu, No 10 Skuadron yang berpangkalan di Pangkalan Udara Kuantan telah dipilih sebagai *Squadron Of The Year*. Manakala bagi Rumah Keluarga Angkatan Tentera (RKAT) Lain-Lain Pangkat (LLP) Terbaik, Institut Latihan Tentera Udara (ITU) Ipoh dipilih sebagai pemenang.

Di dalam majlis ini juga, Panglima Tentera Udara turut menyampaikan insentif khas kepada pasukan dan individu yang telah memperolehi kejayaan serta mengharumkan nama TUDM dalam beberapa pertandingan serta lapangan.

Penerima-penerima insentif adalah pemenang-pemenang Anugerah Inovasi Kementerian Pertahanan (AIKP) 2014 iaitu MTU- Kejuruteraan, Pusat Penyelidikan Kejuruteraan Aeroangkasa (PUSPEKA), No 15 Skuadron Pangkalan Udara Butterworth, No 14 Skuadron Pangkalan Udara Labuan, Cawang Materiel Pangkalan Udara Kuantan, Skuadron 322, TUDM Bukit Ibam dan Materiel Udara 3 (MATRA 3).

Selain itu, beberapa buah Persatuan Sukan TUDM yang telah menunjukkan kecemerlangan dalam Kejohanan Sukan Antara Perkhidmatan ATM 2014 turut menerima insentif khas yang disampaikan oleh Panglima Tentera Udara. Penerima insentif adalah dari pasukan Kriket (lelaki) yang menjadi johan dan diikuti dengan lima buah pasukan lain yang menjadi naib johan iaitu pasukan Silat Olahraga, Hoki (lelaki), Sepak Takraw, Ragbi dan Golf.



TIMBALAN PANGlima TENTERA UDARA DIANUGERAHKAN DARJAH SRI SULTAN AHMAD SHAH (SSAP)



KUALA LUMPUR – Timbalan Panglima Tentera Udara, YBhg Lt Jen Dato' Sri Che Akmar bin Mohd Nor TUDM telah dianugerahkan Darjah Sri Sultan Ahmad Shah (SSAP) yang membawa gelaran Dato' Sri hari ini.



Istiadat penganugerahan Darjah Kebesaran dari pingat negeri Pahang telah disempurnakan oleh KDYMM Sultan Pahang, Sultan Haji Ahmad Shah Al-Musta'in Billah Ibni Al-Marhum Sultan Abu Bakar Ri'ayatuddin Al-Mu'adzam Shah. Istiadat penganugerahan ini telah berlangsung di Istana Pahang, Kuala Lumpur.

MAJLIS PENGANUGERAHAN DARJAH KEBESARAN BINTANG DAN PINGAT NEGERI PAHANG 2015

KUALA LUMPUR - Majlis penganugerahan Darjah Kebesaran Bintang dan Pingat Negeri Pahang 2015 telah diadakan di Istana Sultan Pahang Kuala Lumpur. Antara penerima pingat adalah seperti berikut.

1. Mej Jen Dato' Ansar s/o Majeth TUDM.
2. Mej Jen Dato' azizan bin Shaari TUDM.
3. Mej Jen Dato' Kamarulzaman bin Mohd Othman TUDM.
4. Mej Jen Dato' Hj Azizool Arif bin Abd Ghani TUDM.
5. Brig Jen Dato' Marsaleh bin Hashim TUDM.

6. Brig Jen Dato' Ir Razali bin Abdul Ghani TUDM.
7. Brig Jen Dato' Hj Mohd Asghar Khan bin Goriman Khan TUDM.
8. Brig Jen Dato' Ahmad Tarmizi bin Tuan Hussin TUDM.
9. Brig Jen Dato' Tuan Mustapha bin Tuan Hussin TUDM.
10. Brig Jen Dato' Hj Yazid bin Arshad TUDM.
11. Brig Jen Dato' Zahani bin Zainal Abidin TUDM.
12. Brig Jen Dato' Abdul Manaf bin Md Zaid TUDM.
13. Brig Jen Dato' Roshaimi bin Zakaria TUDM.



MENTERI PERTAHANAN TINJAU KESIAGAAN OPERASI TUDM DI PU LABUAN

LABUAN – Menteri Pertahanan, YB Dato' Seri Hishammuddin Tun Hussein telah mengadakan Lawatan kerja ke Pangkalan Udara Labuan bagi meninjau dengan lebih dekat kesiagaan operasi TUDM di PU Labuan.

Ketibaan Menteri Pertahanan di PU Labuan telah disambut oleh Panglima Tentera Udara, YBhg Jen Dato' Sri Roslan bin Saad TUDM, pegawai-pegawai kanan TUDM serta seluruh warga PU Labuan.

Dalam lawatan tersebut, YB Dato' Seri Hishammuddin Hussein turut meninjau dan mendengar taklimat yang telah disampaikan oleh Panglima Tentera Udara mengenai tahap pengoperasian PU Labuan serta kesiapsiagaan aset-aset TUDM disana.

Menteri Pertahanan juga telah dibawa meninjau aset-aset yang berada di Pangkalan tersebut seperti pesawat hawk dan juga helikopter.



LAWATAN COMMANDER OF THE TURKISH AIR FORCE KE MALAYSIA

KUALA LUMPUR - *Commander of the Turkish Air Force, General Akin Ozturk* telah mengadakan lawatan rasmi beliau ke Malaysia bermula 18 hingga 21 Jan 15.

Sempena lawatan rasmi tersebut, beliau telah membuat kunjungan hormat kepada Panglima Tentera Udara, YBhg Jeneral Dato' Sri Roslan bin Saad TUDM di Pejabat PTU pada 19 Jan 15 yang lalu.

Dalam rangka lawatan beliau ke Malaysia, *General Akin Ozturk* turut melawat Pangkalan Udara Subang dan Pangkalan Udara Kuantan bagi melihat kelebihan dan kecanggihan aset yang dimiliki oleh TUDM pada masa kini.

Kunjungan hormat ini adalah merupakan sejarah ulung bagi TUDM dimana ianya merupakan kunjungan yang pertama dibuat oleh Pemerintah Tertinggi Tentera Udara Turki kepada TUDM.



**PERASMIAN
LIMA'15**



**KUNJUNGAN HORMAT
KE ATAS PTU**



**CHIEF OF AIR FORCE
DINNER**



AIR CHIEF CONFERENCE



SEKITAR PAMERAN LIMA'15



PENGLIBATAN TUDM DALAM MISI BANTUAN MANGSA BANJIR

KUALA LUMPUR – Tentera Udara Diraja Malaysia (TUDM) telah terlibat di dalam Ops Murni sejak ianya mula diaktifkan pada 20 Dis 14 yang lalu. TUDM telah membuat penghantaran bekalan makanan ke beberapa tempat yang sukar dihubungi akibat banjir dengan menggunakan aset udaranya.

Tiga buah pangkalan udara telah digunakan untuk tujuan penghantaran bahan-bahan makanan iaitu, Pangkalan Udara Subang, Pangkalan Udara Kuantan dan Pangkalan Udara Gong Kedak. Pangkalan Udara ini berperanan di dalam mengkoordinasikan proses pengumpulan dan pengedaran bahan-bahan makanan dan keperluan asas yang disumbangkan oleh orang ramai kepada penduduk yang terjejas.

Sepanjang penglibatan TUDM dalam Ops Murni ini, helikopter-helikopter TUDM yang terlibat dalam misi bantuan ini telah beroperasi dari Pangkalan Udara Kuantan dan Pangkalan Udara Gong Kedak.

Kedua-dua pangkalan ini terlibat dalam misi-misi bantuan seperti penghantaran makanan, membawa keluar mangsa dari kawasan banjir dan juga misi penerbangan ehsan (*Mercy Flight*).

Syabas kepada semua pegawai dan anggota TUDM yang komited di dalam melaksanakan misi-misi tersebut di sepanjang Ops Murni yang lalu. Segala tugas-tugas yang dilaksanakan kepada TUDM telah dilakukan dengan jayanya.



EKSESAIS SAREX LIMA'15

LANGKAWI - Bersempena dengan Pertunjukan Langkawi *International Maritime and Aerospace* (LIMA'15) yang akan diadakan pada pertengahan bulan Mac tahun ini, satu ekseksais berkenaan pengoperasian mencari dan menyelamatkan iaitu SAREX LIMA'15 telah dilaksanakan pada 3 hingga 5 Mac 15 di Langkawi, Kedah.

Eksesais ini telah dianjurkan bersama antara Tentera Udara Diraja Malaysia (TUDM) dengan Jabatan Penerbangan Awam Malaysia (DCA) yang turut melibatkan Tentera Laut Diraja Malaysia (TLDM), Agensi Penguatkuasa Maritim Malaysia (APMM), Polis Diraja Malaysia

(PDRM), Jabatan Bomba dan Penyelamat Malaysia serta agensi-agensi lain yang bersangkutan dengan pengoperasian *Search and Rescue* (SAR).

Eksesais ini meliputi 2 elemen latihan yang utama iaitu operasi *Search and Rescue* (SAR) di peringkat maritim dan operasi kecemasan di lapangan terbang untuk meningkatkan keupayaan dan kesiagaan semua agensi bagi menghadapi sebarang kemungkinan berhubung insiden pesawat sama ada di udara, laut atau darat semasa Pertunjukan Langkawi *International Maritime and Aerospace* (LIMA'15).



LAWATAN KERJA PANGLIMA OPERASI UDARA DI REJIMEN TUDM JUGRA

BANTING - Panglima Operasi Udara, YBhg Lt Jen Dato' Sri Hj Affendi bin Buang TUDM telah membuat lawatan kerja sehari ke Rejimen TUDM Jugra hari ini. Turut mengiringi sepanjang lawatan Panglima Operasi Udara adalah Ketua Pengarah Bantuan dan Kesiagaan, Brig Jen Dato' Mohd Shabre bin Hj Hussein TUDM.

Panglima Operasi Udara yang tiba pada jam 8.55 pagi dengan menaiki pesawat EC 725 telah membuat pemeriksaan Kawalan Kuarter sebelum majlis menyaksikan serah terima tugas Pegawai Memerintah Rejimen TUDM Jugra iaitu di antara Kol Hj Mohamed Nazri bin Dashah TUDM dengan pegawai memerintah yang baru iaitu Kol Hj Khalil bin Mohd Ali TUDM.

Di dalam rangka lawatannya ke Rejimen TUDM, beliau telah dibawa untuk membuat lawatan kerja beberapa tempat termasuklah ke Flait

Rigger, Pusat Akuatik dan di Bukit Jugra.

Di dalam ucapannya, beliau telah menyatakan bahawa pihak pengurusan tertinggi TUDM sangat serius terhadap keupayaan dan kesiapsiagaan anggota PASKAU. Justeru, beliau telah mengingatkan semua peringkat warga pasukan agar sentiasa berusaha menimba ilmu pengetahuan sejajar dengan keperluan perkhidmatan semakin mencabar supaya kewibawaan pasukan tidak dipertikaikan dan berada di tahap yang paling terbaik.

Dalam pada itu beliau juga mengingatkan dan menekankan bahawa aspek keselamatan sangat penting semasa melaksanakan apa juga jenis tugas dan ianya haruslah sentiasa ditingkatkan supaya tugas yang diamanahkan dapat dilaksanakan tanpa sebarang kecederaan dan kerosakan harta pasukan.



PEGAWAI KADET UPNM KE PU KUANTAN

KUANTAN – Seramai 222 Pegawai Kadet bersama empat pegawai jurulatih dari UPNM telah tiba di PU Kuantan bagi memenuhi rangka lawatan mereka ke pangkalan-pangkalan ATM sekitar negeri Pahang.

Rombongan lawatan UPNM telah diberi taklimat oleh Kapt Ahmad Zulfikri bin Ahmad Kamal TUDM dari PLTB 3 mengenai sejarah penubuhan dan pengoperasian serta aset-aset pertahanan yang dimiliki di PU Kuantan.

Rombongan seterusnya meneruskan acara lawatan ke tapak pameran statik di Cabang Pergerakan Udara. Atucara lawatan diakhiri dengan penyerahan momento oleh Ketua Jurulatih, Mej Jamal bin Salleh kepada PU Kuantan yang diwakili oleh Mej Nurhazizi bin Abd Halim TUDM dari No 17 Skuadron.

Semoga lawatan pada kali ini memberi manfaat dan iltizam kepada para Pegawai Kadet UPNM untuk terus maju dan berusaha mencapai karier ketenteraan mereka dengan jayanya pada masa kini dan pada masa hadapan.



TOP TEN RMAF/RSAP 2015

ERATKAN HUBUNGAN DUA HALA

MELAKA – Pegawai-pegawai Kanan RSAP yang diketuai oleh *Chief of the Republic of Singapore Air Force*, Maj Gen Hoo Cher Mou bersama isteri telah tiba di Malaysia sempena lawatan selama dua hari. Ketibaan para delegasi di Lapangan Terbang Antarabangsa Melaka telah disambut oleh AKS Perancangan dan Pembangunan, Mej Jen Dato' Syed Salim bin Syed Abu Bakar TUDM dan juga Pengarah PUSPEKA, Brig Jen Ir Razali bin Abd Ghani TUDM.

Kehadiran Maj Gen Hoo Cher Mou dan rombongan di Malaysia turut diraikan oleh Panglima Tentera Udara, YBhg Jen Dato' Sri Roslan bin Saad TUDM dan isteri YBhg Datin Sri Khairani binti Mohd Zin serta Pegawai-pegawai Kanan TUDM dan isteri masing-masing.

Di dalam rangka lawatannya ke Malaysia, Maj Gen Hoo Cher Mou dan rombongan telah dibawa melawat ke tempat-tempat menarik di Melaka Bandaraya Bersejarah dan juga melaksanakan aktiviti-aktiviti riadah. Program ini secara tidak langsung dapat mengeratkan lagi serta mempertingkatkan kerjasama dan hubungan dua hala antara TUDM dan RSAP.



KEJOHANAN GOLF PIALA PRESIDEN 2015



SUBANG – Satu acara Kejohanan Golf Piala Presiden 2015 bertempat di Kelab Rekreasi Tentera Udara (KRTU) telah diadakan Pangkalan Udara Subang.

Kejohanan ini telah membabitkan penyertaan seramai lebih kurang 129 orang peserta yang terdiri dari ahli-ahli kelab dan Pegawai-pegawai Kanan TUDM.

Acara kejohanan ini juga turut dihadiri oleh mantan-mantan Panglima Tentera Udara, serta pegawai tertinggi TUDM yang diketuai oleh Panglima Tentera Udara, Jen Dato' Sri Roslan bin Saad TUDM.



PTU MELAWAT PUSAT OPERASI BANJIR DI PU KUANTAN



KUANTAN – Panglima Tentera Udara, YBhg Jen Dato' Sri Roslan bin Saad TUDM telah melakukan lawatan ke pusat operasi banjir di Pangkalan Udara Kuantan pada 2 Jan 15 bagi melihat sendiri tugas-tugas penghantaran barang-barang makanan serta keperluan asas kepada kawasan-kawasan yang teruk di landa banjir.

Sempena lawatan ini juga, Panglima Tentera Udara telah diberikan taklimat ringkas dari Komander Pangkalan mengenai status perkembangan laporan penugasan operasi harian yang dilaksanakan oleh tim ops murni di PU Kuantan.

Panglima Tentera Udara juga telah turut serta bersama-sama di dalam melaksanakan operasi penghantaran barang-barang makanan dan keperluan dengan menggunakan helikopter EC 725 ke beberapa kawasan yg terjejas di sekitar Pantai Timur.



TEMUBUAL BERSAMA YAB TUN DR. MAHATHIR

PUTRAJAYA – Panglima Tentera Udara, YBhg Jen Dato' Sri Roslan bin Saad TUDM bersama Tim Editorial Penerbitan RMAF *Coffee Table Book* sempena Langkawi Maritime and Aerospace Exhibition 2015 (LIMA'15) telah meluangkan masa hampir sejam di Yayasan Kepimpinan Perdana pagi ini.

Temubual bersama YAB Tun Dr. Mahathir bin Mohamad adalah bagi memenuhi segmen Temubual Khas yang akan dimuatkan dalam buku yang akan dilancarkan semasa LIMA '15 di Langkawi pada bulan Mac nanti.

YAB Tun Dr. Mahathir bin Mohamad adalah pencetus kepada acara dwi tahunan yang telah diadakan semenjak tahun 1991 hingga sekarang.



SJN U (W) NORLIA BTE AB RAHMAN

Menghiasi ruangan personaliti AF-NG edisi kali ini ialah SJN U (W) NORLIA BTE AB RAHMAN, 32, daripada ketukangan Pembantu Pertahanan (Provos) yang kini bertugas di Jabatanarah Provos Marsyal TUDM sebagai PTTK Bahan Bukti.

Penuntut Akademik Terbaik Keseluruhan Kursus Penyelia Kanan Siri 195/13 ini telah pun mendirikan rumahtangga dengan pasangannya iaitu Kpl U Ahmad Tarmimi bin Zainal (seorang anggota Pasukan Khas TUDM (PASKAU) yang kini bertugas di Detasmen SAR No. 3 Skn PU KL sebagai PTTR SAR) dan telah dikurniakan 2 orang cahayamata perempuan.

Melalui pengalaman beliau yang telah berkhidmat selama 14 tahun di dalam perkhidmatan ini, anak kelahiran Seremban, Negeri Sembilan ini telah membuktikan bahawa tiada yang mustahil untuk digapai jika usaha dan kesungguhan yang tinggi sentiasa menjadi pegangan. Kerjaya beliau di dalam TUDM bermula apabila beliau menjalani latihan rekrut di Institut Latihan Tentera Udara Ipoh, Perak pada 26 Jun 2001.

Setelah tamat latihan, beliau telah diserapkan ke dalam ketukangan Pembantu Pertahanan (Provos). Walaupun ketukangan Pembantu Pertahanan (Provos) dimonopoli oleh kaum lelaki, namun beliau tidak menganggapnya sebagai satu halangan malah ia telah menjana dan meningkatkan semangat beliau untuk bersaing serta menunjukkan kesungguhan di dalam melaksanakan tugas dan tanggungjawab yang diamanahkan.

Pada tahun 2002 beliau telah berjaya menjalani Kursus Asas Provos. Seterusnya, pada tahun 2003 beliau menjadi salah seorang daripada segelintir anggota payung terjun wanita TUDM apabila berjaya menamatkan Kursus Asas Payung Terjun anjuran PASKAU di Rejimen TUDM Jugra, Selangor dan telah dianugerahkan dengan sayap penerjunan.

Pada tahun 2010 beliau telah berjaya memperolehi lesen memandu kenderaan tentera (BAT D 41) yang telah menjadikan beliau satu-satunya anggota wanita TUDM yang berkeelayakan untuk memandu kenderaan tentera.

Pada tahun 2012, beliau telah berjaya menamatkan Kursus Pengiring Orang Kenamaan (CET) dengan keputusan *Grade A* yang telah menjadikan beliau sebagai anggota wanita TUDM yang pertama dianugerahkan sebagai individu yang berkeelayakan dalam membuat tugas sebagai anggota Pengiring Rapat Orang Kenamaan (*Body Guard*).

Pada tahun yang sama beliau telah menggalas tugas khas sebagai pengiring rapat kepada isteri-isteri Panglima Tentera Udara Asean di sepanjang program *Asean Air Chief Conference* (AACC) berlangsung di Kuala Lumpur dan Melaka. Di samping itu juga beliau mewakili TUDM di dalam sukan Badminton di peringkat MAKSAK.

Kecemerlangan yang telah dipamerkan oleh Sjn U (W) Norlia bte Ab Rahman sebagai anggota wanita TUDM yang sentiasa positif dan peka di dalam melaksanakan tugas dan tanggungjawab sebagai seorang anggota Provos, anggota payung terjun, pemandu kenderaan tentera, *Body Guard* dan seumpamanya serta nilai-nilai murni yang telah beliau tunjukkan telah menjadikan beliau sebagai contoh kepada anggota wanita TUDM yang lain.



PESAWAT A400M PERTAMA TUDM TIBA DI PANGKALAN UDARA SUBANG

SUBANG – Pesawat generasi baru Tentera Udara Diraja Malaysia (TUDM) A400M telah tiba di PU Subang dan disambut oleh Panglima Tentera Udara dan pegawai-pegawai kanan TUDM.

Pesawat yang tiba ini adalah merupakan pesawat pertama dari empat buah pesawat A400M yang telah dibeli oleh Malaysia melalui persetujuan yang telah dimeterai di antara Kerajaan Malaysia dan *Airbus Defense & Space (ADS)* pada 8 Dis 05 lalu. Ketika menandatangani pembelian, pesawat ini masih lagi diperingkat *design*.

Pembelian ini juga menjadikan Malaysia mendapat manfaat sebagai rakan program pembangunan rangkaian pesawat A400M. Selain dari itu, Malaysia adalah merupakan Negara pertama di luar Eropah yang mengoperasikan pesawat ini.

Dengan penerimaan pesawat A400M ini, ianya telah menjadikan Malaysia Negara kelima yang telah menerima pesawat ini selain France, Germany, Turki dan United Kingdom. Ianya juga menjadikan Malaysia sebagai Negara pertama memiliki pesawat ini di Asia.

Ketibaan pesawat pertama ini di tanahair telah diterbangkan oleh juruterbang TUDM yang diketuai oleh Lt Kol Masro bin Kaliwon TUDM dan dibantu oleh tiga orang juruterbang dan empat Kuartermaster Udara. Pesawat ini berlepas dari Seville, Sepanyol pada 12 Mac 15, jam 10.45 pagi waktu tempatan.

Tiga buah pesawat lagi akan tiba secara berperingkat dimana dua (2) buah pesawat akan tiba pada tahun ini (2015) dan pesawat keempat pula akan tiba pada suku pertama tahun 2016. Pesawat A400M ini berperanan sebagai '*Force Enhancement*' yang berupaya untuk mempertingkatkan keupayaan TUDM dan ATM dalam operasi *Strategic Airlift* dan *Tactical Airlift*.

Pesawat A400M ini mempunyai jangkauan operasi yang lebih jauh serta berkeupayaan untuk mengangkut jumlah kargo yang lebih besar sekiranya dibandingkan dengan pesawat C130H yang dimiliki oleh TUDM ketika ini.

Selain dari itu, pesawat ini juga berupaya melaksanakan misi-misi yang merangkumi penugasan berkaitan *Medical Evacuation (MEDEVAC)*, *Air to Air Refueling (AAR)*, *Aerial Delivery (Paratroop & Logistic)* dan *Humanitarian Aid and Disaster Relief (HADR) Operations*.

Dalam mempertingkatkan persediaan pengoperasian pesawat A400M ini, TUDM telah menghantar sebilangan pegawai dan anggota untuk menjalani latihan secara berperingkat sejak suku tahun ketiga 2014. Setakat ini sejumlah 16 orang pegawai (Juruterbang dan Pegawai Kejuruteraan) serta 30 orang anggota (*Loadmaster* dan juruteknik) telah menjalani kursus asas di *International Training Centre (ITC)* di Seville, Sepanyol.

Sementara itu juga, latihan bagi anak-anak kapal serta pegawai dan anggota sokongan akan diteruskan pada tahun 2015 berpandukan slot latihan dan perancangan latihan yang telah dipersetujui.

Bagi tahun ini, TUDM sedang menyelaraskan keperluan kursus dan latihan dengan pihak ADS yang melibatkan lapan (8) orang Juruterbang, empat (4) orang *Loadmaster* dan 24 orang Juruteknik.



MESYUARAT PEMERINTAHAN PANGGLIMA TENTERA UDARA SIRI 1/15



KUALA LUMPUR – Mesyuarat Pemerintahan Panglima Tentera Udara Siri 1/15 telah diadakan pada 12 Feb 14 hingga 14 Feb 15. Ianya berlangsung di Mes Wira Angkasa, Pangkalan Udara Kuala Lumpur.

Mesyuarat yang dipengerusikan oleh Panglima Tentera Udara, YBhg Jen Dato' Sri Roslan bin Saad TUDM telah dihadiri oleh Timbalan Panglima Tentera Udara, Panglima Operasi Udara, Panglima Bantuan Udara, Panglima-panglima Pemerintahan, AKS-AKS Bahagian, Komander Pangkalan dan Pegawai Memerintah dari Skuadron bukan unit penerbangan.

Mesyuarat yang diadakan secara dwi-tahunan adalah bertujuan untuk memberi peluang berinteraksi sambil bertukar-tukar fikiran serta medium kepada Panglima Tentera Udara untuk menyampaikan arahan dan dasar-dasar baru perkhidmatan.

Selain itu, mesyuarat ini dapat membincangkan permasalahan semasa di unit-unit TUDM agar segala permasalahan tersebut dapat diketengahkan.



TPTU TERIMA KUNJUNGAN HORMAT WAKIL PAKISTAN AIR FORCE



LANGKAWI – Timbalan Panglima Tentera Udara, YBhg Lt Jen Datuk Che Akmar bin Mohd Nor TUDM telah menerima kunjungan hormat daripada *Air Vice Marshall* Muhamad Iqbal, *Director General Air Force Strategic Command, Pakistan Air Force* hari ini.

Kunjungan hormat ini diadakan bagi mempertingkatkan hubungan dua hala antara Malaysia dan Pakistan. Kunjungan ini dilaksanakan sempena Langkawi *International Maritime and Aerospace Exhibition (LIMA 15)*.

PANGLIMA BANTUAN UDARA MELAWAT MATRA 3

BUTTERWORTH – Panglima Bantuan Udara, YBhg Lt Jen Dato' Hj Sabri bin Adam TUDM telah membuat lawatan kerja ke MATRA 3, Pangkalan Udara Butterworth hari ini. Turut mengiringi Panglima Bantuan Udara semasa lawatan adalah Ketua Staf Khidmat MPBU, Kol Dr Mohd Yunus bin Masjuki TUDM.

Komander Pangkalan Udara Butterworth, Brig Jen Tuan Mustapha bin Tuan Hussin TUDM telah menyambut ketibaan Panglima Bantuan Udara bersama-sama Ketua MATRA 3. Aktiviti dimulakan dengan taklimat oleh Ketua MATRA 3, lawatan ke fasilitas MATRA 3 dan diakhiri dengan sesi dialog bersama warga MATRA 3.



PENGERUSI BAKAT UDARA MELAWAT PROJEK RUMAH BAKAT TUDM

SUBANG – Satu sesi taklimat mengenai rumah BAKAT Udara yang dalam proses pembinaan di Pangkalan Udara Subang telah dihadiri oleh Pengerusi BAKAT Udara, YBhg Datin Sri Khairani bt Mohd Zain dan isteri Panglima Operasi Udara, YAM Tengku Puteri Seri Teja Pahang Tengku Muhaini bte Sultan Hj Ahmad Shah.

Pengerusi BAKAT Udara juga telah diberikan taklimat oleh Ketua Kontraktor sebelum dibawa melawat di sekitar kawasan projek Rumah BAKAT yang baru.

Taklimat ini turut dihadiri oleh AKS Perancangan dan Pembangunan, Mej Jen Dato` Syed Salim bin Syed Abu Bakar TUDM dan jemaah tertinggi BAKAT Udara yang lain serta ahli-ahli BAKAT Pangkalan Udara Subang.



SEMINAR KELUARGA BAHAGIA BAKAT KOLEJ TENTERA UDARA

ALOR SETAR - BAKAT UDARA Kolej bersama KAGAT Kolej telah mengadakan ceramah seminar keluarga bahagia yang bertajuk 'Mudahnya Wanita ke Syurga'. Ceramah ini telah disampaikan oleh Fasilitator Pembelajaran Profesional *Ultimate Success Consultancy*, Ustaz Rosman bin Rosdi.

Turut hadir Komandan Kolej iaitu Brig Jen Dato' Sardon bin Hassan TUDM, Pegawai Agama Kolej, Mej Sakri bin Yusop dan Pengerusi BAKAT Udara Kolej, Datin Hasnah bte Andek serta Pengerusi BAKAT Udara SITU, Puan Nordasyimah bt Hamid.



KELAS MASAKAN CHEF NAN RAHAMAN

KUALA LUMPUR – Jemaah Tertinggi BAKAT Udara telah mengkoordinasikan kelas masakan kepada ahli-ahli BAKAT Udara. Program ini berlangsung dengan jayanya di Dewan Angkasaraya PU Kuala Lumpur dengan kehadiran lebih 100 orang ahli BAKAT.

Pelbagai demo penyediaan coklat dan gubahan dari produk coklat

yang ditunjukkan oleh Chef Nan Rahaman bagi mencetuskan idea kreativiti kepada ahli-ahli BAKAT khususnya.

Program yang berlangsung selama sehari ini di hadiri oleh Ahli Jemaah Tertinggi BAKAT Udara, selain Pengerusi dan ahli BAKAT dari sekitar Lembah Klang.



PW U I BUDA AK ANCHAH CEMERLANG DI KEJOHANAN BINA BADAN DUNIA 2014

KUALA LUMPUR - PW U I Buda ak Ancha sekali lagi telah mengharumkan nama Negara dan TUDM dalam sukan Bina Badan Dunia yang berlangsung di Mumbai, India pada 15 Dis 14 yang lalu.

Walaupun tidak dapat mempertahankan gelaran juara yang disandangnya sebelum ini, namun beliau tetap berpuas hati dengan pencapaiannya apabila berjaya mendapat tempat kedua dalam kategori Terbuka *Master* dan tempat kelima dalam kategori *Lighweight*.



KEJOHANAN RAGBI ANTARA KELAB-KELAB KEBANGSAAN

KUALA LUMPUR - Perlawanan akhir Kejohanan Ragbi Antara Kelab-Kelab Kebangsaan (NICC/2) 2014 yang berlangsung di Padang Ragbi, Pangkalan Udara Kuala Lumpur pada 13 Dis 14 lalu telah menyaksikan pertandingan antara Pasukan Ragbi DBKL dan juga pasukan ragbi TUDM, *Blackhawk*.

Di dalam perlawanan tersebut, Pasukan Ragbi DBKL berjaya mengalahkan pasukan *Blackhawk* TUDM dengan pungutan mata 22 berbalas 12.

Hadir sama menyaksikan perlawanan akhir ini adalah Komander Pangkalan PU Kuala Lumpur, Kol Hj Muhammad Mudzamir Ong bin Abdullah TUDM.



MAJLIS PELANCARAN PASUKAN BOLA SEPAK ATM

KUALA LUMPUR - Menteri Pertahanan, YB Dato' Seri Hishammuddin Tun Hussein telah menyempurnakan Majlis Pelancaran dan memperkenalkan Pasukan Bolasepak ATM bagi musim 2015 di Stadium Kem KEMANTAH, Kuala Lumpur hari ini.

Hadir sama di majlis tersebut adalah Timbalan Menteri Pertahanan, YB Datuk Abdul Rahim bin Bakri, Panglima Angkatan Tentera, YBhg Jen Tan Sri Dato' Sri (Dr) Zulkifeli bin Mohd Zin, Panglima-Panglima Perkhidmatan serta pegawai-pegawai kanan awam dan tentera Kementerian Pertahanan.



PELUMBA TUDM TUNJUK TARING



SEREMBAN - Pelumba Basikal TUDM, LU I Muaz bin Abd Rahim yang menyarung jersey ATM dalam Kejohanan Jelajah Malaysia telah mengharumkan nama ATM dan TUDM apabila beliau muncul tempat ke-3 kategori pelumba Malaysia, tempat ke-4 kategori Asian dan tempat ke 9 keseluruhan daripada 120 pelumba.

Kejohanan yang berlangsung selama Lima hari dari 13 - 17 Dis 14, turut disertai oleh pasukan dari Amerika, Indonesia, Uzbekistan, Hong Kong, Singapura, Brunei dan pasukan-pasukan negeri di Malaysia. Kejayaan ini merupakan satu pencapaian yang dapat dibanggakan dan boleh menjadi contoh terbaik kepada atlet-atlet sukan ATM amnya dan TUDM khasnya. Pencapaian ini juga sekaligus telah dapat mengharumkan nama Malaysia di persada antarabangsa dalam bidang sukan.

